

續金華叢書



竹金華叢書



少室山房類藁卷五十二

續金華叢書

澱水胡應麟明瑞著

七言律詩八十三首

郭方伯以三詩見贈賦此奉答

新詩題贈遍瓊瑤握手龍門路未遙
姓字三朝傳岳牧風流一壑伴漁樵
芒鞋石室雲隨杖桂楫金沙月滿橋
極目錢塘秋漸爽一尊同賦大江湖

秋日張使君招飲湖上作

綠楊紅蓼半斜曛錦纜牙旗蕩澱紋
水面樓臺千剎繞波心城郭萬家分
洞當靈隱偏藏雪峯到飛來盡入雲
無限畫船秋色裏歸途風雨濕羅裙

送屠長卿北上

十日爐頭問酒頻
春明迴首各風塵
朝攜一鶴還青浦
夜扣雙龍入紫宸
霞色薊門供傲吏
雪花天姥卧閒人
中朝手定明堂禮
莫忘襄

陽賦有神

中丞蕭公自關中來越喜而有作

玉詔輝煌下彩鸞
朱旗遙捲出長安
天南再擁中丞節
渭北初辭大將壇
別墅談棋千障肅
胡牀吹笛萬峯寒
西來小隊能多暇
山色湖光次第看

顧觀察維舟澱水招同王承父燕集迨暮廼別

江天攜手一尊同
錦纜牙旗夕照中
十日平原今再見
千秋河朔定誰雄
渾疑白社開薇省
共向青山覓桂叢
寂寞黃金臺上事
西風吹墮北來鴻

送唐刺史之洛中

分符新命下明光
坐擁單車赴洛陽
六載風期懸夢寐
一時聲價動循良
先春苑雪飄行蓋
薄暮嵩雲到訟堂
絕頂三花尋少室
何人相對話胡郎

送吳文仲入都

片語溪頭問鵷冠驪駒催發向長安金華洞壑神仙吏玉殿星辰侍
從官東漢循良傳賜履西曹詞賦接登壇嘉隆數子盟仍在肯放陽
春屬和難

司馬汪公伯玉拉余過海上訪兩王先生適司馬張公肖父同
日至留集弇園者三宿澹圃者再實一時之盛事因成七言

四律紀之

名園樓閣麗丹青握手千秋意氣饒日月雙懸婁水近星辰羣下越
臺遙探書題柱俱司馬飛舄吹笙並子喬獨有侯芭長寂寞玄亭相
對髮蕭蕭

張公蜀人汪公適由越至王
喬一葉嶺周人一葉縣漢人

其二

秋光何處一尊同十畝平泉眺望中鶴駕並留孤島上龍泉重合大
江東星懸析木三垣紫日擁扶桑萬界紅矯首乾坤才欲盡那知人
在闔閭宮

其三

飛僊環珮入蓬萊木落霜清萬象開宇宙文章傳四子東南名勝屬
三才曹子念注仲淹仲嘉同集丹成鸞鶴中天下樂奏魚龍大海來七十二峯雲
霧裏憑將奇句勒崔嵬

其四

屈指詞場大業新輶軒離合並傷神重逢洛下舍杯客半是華陽授
簡人一代風期留管鮑百年金石聚雷陳相看忍賦河梁曲荏苒垂
虹挂月輪

贈王瞻美

玉樹王家並寡傳翩翩羣從見風流烏衣不愛諸郎坐白帽偏從二
美遊婁水秫香晴荷鋪石湖花暖夜維舟怪來雙燕頻相認玳瑁堂
深貯莫愁

王宗伯督學招同張汪二司馬王長公次公洪山人汪太學同

集園亭賦

十載玄亭夢寐過登龍此日並羊何關前紫氣飄槐棘海內蒼生問

蓼莪一代文章諸老盡三朝禮樂二難多亦知元禮門風在總爲名
流到綠蘿

重九舟中懷汪司馬

何人同賦仲宣樓爛熳黃花引客愁一片秋光隨越舫萬家寒色到
吳鉤波濤震澤神龍過日月天都彩鳳遊依舊六橋荷芰滿不堪明
夜大堤頭

送徐觀察之嶺北

繡斧朝持出漢宮提兵遙赴粵臺東三江雨色雙帆靜五嶺霜華一
劍雄虎帳分宵延上客貂裘移日候元戎胡牀不淺登樓興萬里遙
瞻碣石鴻

陳觀察過草堂余適遊金華山中不值

西風遙駐越江船竹逕深慚問草玄星斗乍看題鳳日雲霞長護牧
羊天秋明斧鉞羣山外夢隔旌旗一水前莫詫雁南風景絕平津開
閣候登仙

送徐方伯之江右

飛動襜帷出帝京，漢庭才子舊知名。
驚風蠶澤揚帆下，落日匡廬攬轡行。
鐵柱蛟涎秋盡洗，石函龍氣夜雙明。
爲知到日滕王宴，四座爭攜彩筆迎。

閩中謝文度以詩及新集見貽賦答

一函飛雪下江魚，慚愧同聲驟起予。
松菊滿栽彭澤徑，蓬蒿深葺杜陵居。
乾坤萬事懸車外，日月雙峯伏枕餘。
不遠龍門堪汝過，幔亭雲色定何如。

題徐大參瞻雲堂

負郭新看一逕成，金華山半入簷楹。
喬松不斷瞻雲色，寸草長懸愛日情。
檻外翔烏餘涕泪，樓前馴鵲動悲鳴。
莫言遺恨終天抱，屈指徵書下帝城。

顧觀察益卿過訪

衡宇飛花暮不扃，傳呼車馬到林坰。
何來海岳稱同調，是處乾坤問

獨醒一水近拖楊子白千山遙墜夜郎青莫言寂寞楊雄卧旌節分明駐草亭

題凌使君別業

別業吳山之上
用使君韻作

五畝青山自結廬欄干十二坐幽虛烟蘿地近楊雄宅水竹天成杜
甫居海色千家潮落後湖光萬頃月初明初飛花遶徑誰相過一卷黃
庭石上書

送徐大參入都

飛旌長夏問京華紫氣蒼茫越水涯南國芝蘭初映日西秦桃李並
成霞三朝吏績推前輩一代儒宗見大家翹首秋風天闕近夜看牛
斗落仙槎

先是公山房產
芝草數十本

嶺右張使君闢園城中臺榭池沼皆桂林勝絕處予聞竊嚮往
焉賦得六題

露暖長空片月流闌干十二倚丹丘千山霽色飄銀殿萬頃寒光抱
玉樓曳杖迥疑天柱過吹笙長憶廣陵遊當筵莫奏開元曲燦爛星

河落翠裘

右清虛閣

曲曲雕闌面面霞何如蓬島問仙家客來精舍談雙樹人倚名園坐
百花翠合暮雲流藻井紅分朝日土簷牙啼鶯滿徑壺觴在長伴羊
裘閱歲華

右叢芳館

疊嶺高盤挂夕霏雲光霧色亂侵衣雙鸞夾漢青疑墜萬鷲摩空翠
欲飛北望星辰懸帝座西來水石護禪扉他時倘共商山客日荷長
鑱賦采薇

右鳳台嶺

噴玉千尋望轉奇平開十畝漾漣漪閒花弄色全依砌古木叢陰半
入池雲合四山龍起夜露濃三徑鶴來時吹笙自是神仙客翫逐雙
鳧到鳳墀

右來鶴池

淥水微茫漲碧空佳期誰向大堤同水輪兩岸飛明月玉柱三天駕
彩虹殿閣半浮朱舫外笙簫時出畫闌東宜人最是新秋色十里芙
渠一夜風

右霽虹橋

突兀羣峯倚碧臺如登方丈入蓬萊天垂象緯三辰列日射雲霞五
岳迴幾夜漢槎孤泛到何年秦策並驅來從知帝夢思良弼莫訝商
岩產異才

用傳說
列星事

右三台石

送顧觀察之薊中二首

白羽初停越水湄彤庭北顧璽書馳清霜八郡飛長戟積雪三邊照
大旗異代勲名麟閣並生平骨相虎頭奇新菑滿甕蒲萄熟誰共襄
陽醉接離

其二

銅柱威名播粵都樓船勲業遍江湖行邊首定周王策出塞新分漢

使符倚劍蒼龍鳴
涿鹿揚鞭白馬照
飛狐從知幕下多
詞客彩筆班生定有無

寄歐楨伯水部

時鄉人以楨伯秣陵書至

明時大隱謫仙來
紫氣千門建業開
幾夜獨吟鵲鵲觀
何人同上鳳凰臺
楊花拂雪壚頭卧
桃葉乘潮渡口來
莫問羅浮峯四百
一官原合近蓬萊

方伯滕公起任嶺南喜而有作

十載蒼生望未平
雙旌遙赴越王城
朱明洞啟霞光待
大庾山將雪色迎
四岳軒輶聊海甸
三台劍履漸承明
新題滿勒飛雲上
銅柱誰誇漢將名

寄易使君

獨把芙蓉越水湄
青衿長憶問奇時
虛疑剡曲帆來近
轉愧延平劍合遲
指顧風雲隨八翼
踟躕歲月上雙眉
青山萬疊黃堂外
拄笏誰同望武夷

聞王長公元美再起南都司寇走筆奉寄

時有傳長公已出者

爭傳霞珮出蓬萊紫氣關前鬱未開
金液好探龍虎地玉笙聊試鳳凰臺
先秋列叟乘風去後夜王郎挂雪迴
林屋洞門元咫尺不妨瓢笠整徘徊

憶燕中元夜與朱十六童三安二縱遊
長安陌上今倏十載矣

山館寂寥再逢茲夕感舊賦此

鳳輦鰲山出上京長安宮闕暮雲平
千枝火樹宜春苑萬炬金蓮不夜城
艷舞嬌歌游客醉靚粧華飾麗人行
江樓此夕頻搔首飽看梅花上月明

歐楨伯南歸過訪賦贈

四十年操秣苑盟秋風遙起挂冠情
羅浮絕頂披雲上庾嶺歸途踏雪行
海岱名流誰並數嘉隆詞客半同聲
朱明洞口攜尊日首探梅花寄越城

贈郭隱君爲思清孝廉作

大隱華陽不避喧謝家庭砌盡芝蘭西池鸞鶴扶雙壽東壁麒麟抱
二難紫綬定加萊子服青藜長伴竹皮冠八千歲月靈椿在一誦逍
遙興未闌

送朱孺子還豫章兼寄宗良孔陽崑父佳父四王孫

蘭陵新綠乍吹酤指點銀鉶爲客開雙劍夜持南斗出一帆朝遡大
江迴鵪雛五色凌霄翅龍種千金歷塊才羣從兔園應汝侯彩毫齊
拂豫章臺

江右來相如過訪同唐惟良夜集分冬字韻

巖陵長日候孤筇底事芒鞋雪後逢結夏西湖眠菡萏高秋南浦落
芙蓉人如司馬名堪借客比梁鴻姓易重把臂舊游肝膽在接離那
不醉雙龍

敬美使君再起督閩中學聞將于歲杪暫出寄訊

重飛天詔出彤墀特許看山出武夷雙鳥恍疑雲際現片帆剛待雪
中移七臺高步穿林遠九曲長吟破浪遲珍重紫陽遺墨在好將椽

筆闔淋漓

張使君招飲舟中作

五馬喧傳激水傍，含杯猶記舊高陽。
自呼南郭幽人至，相對西臺御史狂。
地挾雙流紫畫舸，天垂千嶂落胡牀。
接離顛倒休辭醉，同是當年白面郎。

題少玄宗侯冊

玉檢金泥出太常，桐圭花萼遠相望。
西園車蓋邀明月，南浦樓船泛夕陽。
兔苑登臺無俗客，龍沙開閣有賢王。
張筵可解呼王勃，爲聽鳴鑾入豫章。

孔賜得王中丞所貽西僧自焚灰像因立精舍奉之乞余作詩
先是惟敬永叔諸君咸有題咏遂繼七言一律

精廬何自布金銀，白足西飛事已陳。
鹿苑乍施焚後像，龍池重現劫前身。
空門色相元無住，淨土莊嚴合有神。
欲起丹霞看舍利，摩尼長照大江濱。

送喻邦相吳文仲試士省下

畫舸齊飛灤水頭，潮聲八月下杭州。
懸心兩地桃花色，縱目三天桂樹秋。
日上朱衣晴鎖院，虹飄彩筆暮登樓。
無勞石匣占雙劍，並識龍光在斗牛。

將過婁江奉訪王長公先柬二首

西風船下越江湄，恍入三天問路岐。
雲滿大羅朝宴日，雪飛中岳夜來時。
千秋一鉢勞先贈，萬里孤筇愧後期。
笑殺盧敖遊汗漫，丹臺咫尺是蓬池。
公與余相聞問十載餘數訂期奉訪以病不果今秋北上實踐此盟云

其二

片刺飛揚國士情，登龍迢遞闔閭城。
一身海岱依元禮，雙眼雲霄屬正平。
下里乍堪酬郢曲，中原能許問齊盟。
莫言把臂詞場晚，躡蹻天門象緯迎。

初至曇陽觀訪長公作二首

龍象煥煌列大清，鳳簫時落步虛聲。
千靈劍佩朝拘翼，七聖輜輶候

廣成王母宴時香霧合上元歸處片霞明騎羊莫問關前客石室初
平是姓名

其二

絳宇瓊樓壓巨鰲扶桑晴翠落飛濤攀雲頓覺蓬壺近望日猶驚泰
岱高面貌諸天曾省識風神八極共遊遨含毫小畢千年事長侍方
平醉玉桃

次公於曇陽觀傍新構澹圃落成適余過訪留宿其中敬賦
青牛西去定誰從賦就歸來學老農醉白堂成初養鶴草玄亭啟一
登龍機雲洛下堪同住梁孟臯橋欲借傭深夜曲闌池上月萬峯林
屋浸芙蓉

又題澹圃一首

築宮猶自傍曇陽空觀惟應待法王楊子門庭長寂寞文殊臺殿盡
清涼鳴鍾震旦紛華過就枕邯鄲障業忘不見西方真樂地玉蓮琪
樹遍金堂